

Letereŋi Poli à tun Kòlòsi kànhe dánafeebil'á ke

Mpe yii à yaa yii cè mà jwo yii jyè letereŋi funṅo jwumpe e ke

Poli wwoŋeŋi Epafurasi u à Jwumpe Nintanmpe jwo Kòlòsi kànhe e, ka pìi si piye kan Yesu á. Poli yabiliŋi n̄ye a n̄o wani kuru kànhe na me, ŋka u mpyi maha Kile jáare pire dánafeebil'á, ali mà u yaha kàsuni i.

N̄ye mà Poli yaha kàsuni i, Epafurasi à kàr'a sà yi jwo u á na cyelentiibii kafinivinibii pìi na wá na nyàhangurugun̄i pyi dánafeebii shwòhòl'e Kòlòsi kànhe e. Pire kafinivinibii mpyi na dánafeebii n̄un̄yi tare, mà lire n̄un̄ke pyi na pi n̄ye na pi yalyire ná pi kataangii karigii cwòonre mà tàanna ná Yahutuubii làdaabil'e me, na pi n̄ye na Kile mèlekeebii p̄ere me.

N̄ye Poli à yire lógo ke, ka li i u funṅo p̄en. Lire e u à ŋge letereŋi sém'a tun Kòlòsi kànhe dánafeebil'á maa pi funṅo cwo Yesu Kirisita fànhe na, maa li cyêe pi na na Yesu Kirisita à fànha tò mèlekeebii na. Uru cye kurugo, Kile à pi dá. Yesu ká mpyi ná ŋgemu i ke, urufoo saha n̄ye a yaa u a Kile mèlekeebii p̄ere me.

Lire e Poli à li cyêe pi na na pi kàntugo wà dijnyeŋi nyii karigil'á, bà pi kyaa si mpyi si ntáan pi n̄un̄ufooŋi Yesu á me, pi a yáfani piye na, pi i piye kyaa táan piy'á, mpii pi n̄ye pi n̄ye Kile kuni i ná pi e me, pi i jwuŋkana cè ná pire e.

Poli à Kòlòsi dánafeebii shéere

1 ¹ Mii Poli u n̄ye Yesu *Kirisita t̄un̄ntun̄ṅo mà tàanna ná Kile nyii wuuni i ke, mii ná wuu c̄in̄mpworon̄i Timòti, ² u à ŋge letereŋi tun Kile wuubil'á Kòlòsi kànhe e. Yii pi n̄ye wuu c̄in̄mpyiibii pi à taha Kirisita fye e t̄erigii puni i ke, wuu Tuŋi Kile u jwo yii na, u u yyeŋiŋke kan yii á.

Poli à fwù kan Kile á Kòlòsi dánafeebii kyaa na

³ N̄ye t̄erigii puni i wuu aha a si raa Kile jáare yii kyaa na, uru ŋgemu u n̄ye wuu Kafooŋi Yesu *Kirisita Tuŋi ke, wuu maha u shéere, jaha na ye ⁴ pyiŋkanni na yii à dá Yesu Kirisita na ke, ná pyiŋkanni na Kile wuubii puni kyal'à táan yii á ke, wuu à yire lógo. ⁵ Yii à yii s̄on̄ṅore taha yaage ŋkemu na, ná yii sí kuru ta n̄iŋyiŋi na ke, kuru ku n̄ye yii d̄aniyan̄i ná yii tàange n̄un̄ke. Jwumpe Nintanmpe pu n̄ye s̄eŋi, ná p'à fyànha a n̄o yii na ke, pur'à ku kyaa jwo. ⁶ Puru jwump'à n̄o dijnyeŋi puni

na bà p'à nɔ yii na mɛ, p'à yasere pyi, maa mpúgo. Pu na lire pyi yii shwɔhɔl'e mú, mà lwɔ́ yii à Kile kacenni kyaa lógo, maa li cè sèe sèl'e ke. ⁷Wuu ntàannamabaarapyiɲɛɲi Epafirasi à yii kâla yire cyeyi na. Kirisita báarapyi niɲɛnɲɛ u nyɛ u wi yii shwɔhɔl'e. ⁸*Kile Munaani à tàange ɲkemu le yii e ke, u à kuru kyaa jwo wuu á.

Poli na Kile jáare Kólssi dánafeebii kyaa na

⁹Lire l'à li ta, mà lwɔ́ canɲke wuu à yii kyaa lógo ke, wuu na Kile jáare yii á tɛrigii puni i. Wuu na u jáare, nde u la nyɛ yii a mpyi ke, bà yii si mpyi si lire sɛnmege ɲcè mɛ. U u yákilifente kan yii á, bà yii si mpyi s'a u karigii naa s'a ɲcwúu mɛ. ¹⁰Lire e yii toroɲkanni sí Kafooɲi Kile wuuni lwɔ́, s'a u nyii wogigii kanni pyi, s'a kacɛnɲkii shiɲi puni pyi, s'a sɪ yyaha na Kile ɲcɛɲi i. ¹¹Kile Siɲi Punifoo sí raa fànhe kaan yii á, bà yii si mpyi si yii kalɛnɲkii puni kwú ná funntange ná funɲɲke e mɛ.

Kirisita nyɛ diɲyɛɲi puni ɲùɲɔ na

¹²Yaayi Tufooɲi Kile à yaha u bèɛnmpɛ e niɲyiɲi na, u wuubii mɛɛ na ke, yii a fwù kaan u á yire kurugo, ɲaha na yɛ u à yii le yire tafɛebil'e. ¹³U à wuu dir'a yige numpini fànhe e mà le u Jyaɲi saanre e, uru ɲgemu kyaa l'à táan u á ke. ¹⁴Uru cye kurugo Kile à wuu ɲùɲɔ wwú *kapegigii bilere e, maa cyi yâfa wuu na.

¹⁵Uru u nyɛ Kileɲi niɲyambaɲi nàɲɲaɲi,

uru u à fànha tò Kileɲi yayaayi puni na,

¹⁶ɲaha na yɛ uru cye kurugo Kile à diɲyɛɲi yaayi puni dá,

niɲyiɲi wuyi ná ɲɲɲke wuyi,

yaayi niɲyayi ná niɲyambaayi,

mu à jwo ɲje yi nyɛ saanre ná kafente ná ɲùɲufente ná fànhafente e ke,

yire yaayi pun'à dá u cye kurugo, maa dá u mɛɛ na.

¹⁷Uru u nyɛ yaayi puni yyaha na, uru cye kurugo yaayi pun'à yiye cù.

¹⁸Uru u nyɛ dánafeebii kuruɲke ɲùɲke^a.

Kuru na nyɛ sùpyaɲi cyeere fiige,

uru u nyɛ kuru tasiige,

ɲaha na yɛ uru u à pyi shincyiwe mà ɲè a fwoɲo kwùɲi i.

Lire na, u à yyahayyereɲi lwɔ́ karigii puni i.

¹⁹L'à táan Kile á, cyeyi puni yi nyɛ ur'e ke, na yire yi pyi u Jyaɲi i.

²⁰Uru cye kurugo Kile à mbɛɲi cya ná yaayi puni i.

Sishange u à wu kworokworocige na ke,

ná kur'e Kile à yyeɲiɲke kan ɲɲɲke ná niɲyiɲi yaayi pun'á.

^a1.18 Pii maha jwo: «dánafeebii kuruɲke ɲùɲɔ na».

²¹ Tèecyiini i, yii sònḡḡpeere ná yii kapyiḡkii mpyi a li cyêe na yii laage mpyi a tɔɔn Kile na, maa mpyi u zàmpenmii. ²² Ɔka u Jyaḡi à pa mpyi sùpya maa ḡkwù. U kwùḡi cye kurugo, Kile à yii ná uru shwòḡḡḡi yal'a ḡwɔ. Lir'à pyi bà Kile si mpyi si yii fwɔnrɔ baa wuubii ná yii tìgire baa wuubii yaha yii yyére u yyahe taan si ḡee yii na me. ²³ Ɔka fo yii aha yiye ḡwɔ Kile kuni i, maa tayyérege nḡcennḡe wwù, yaage na yii sònḡḡr'à taha nḡyiḡi na ke, maa mpyi yii ḡye a funḡḡ wwò kuru na me. Kuru yaage kyaa Jwumpe Nintanmpe ḡye na yu. Yii à pu lógo, p'à jwo ḡḡḡke sùpyire pun'á mú. Puru jwumpe ḡjwuḡi kurugo, Kile à mii Poli pyi u báarapyi.

Poli na zhìḡi leni dánafeebii kurugo

²⁴ Nye mii cìmpyiibii, yyefuge e mii ḡye naha nume yii kurugo ke, kur'à táan mii i, naha na ye *Kirisita ná dánafeebii kuruḡk'à kwòro kuru yyefuge e fo mà sà nɔ tēni là na, mii sí na nàzhanḡi pyi kur'e, bà dánafeebii kuruḡke si mpyi s'a sè yyaha na me. ²⁵ Mii à pyi dánafeebii kuruḡke báarapyi, Kile u à mii yaha uru báaraḡi na yii á. Mii à yaa mii u Kile jwumpe puni jwo yii á. ²⁶ L'à mɔ, puru jwumpe mpyi a ḡwɔḡ sùpyire puni na, ḡka nume p'à jwo a nɔ Kile sùpyiibii na. ²⁷ U la mpyi si lire kaḡwɔḡḡni nisinani nimbwooni cyêe supyishiḡi puni na. Lire kaḡwɔḡḡni li ḡye: Kirisita ḡye yii e, lire l'à yii pyi yii à tēen ná l'e na yii sí n-pyi shinbwoo Kile yyére. ²⁸ Wuu na Kirisita kyaa yu sùpyire pun'á, marii pi yerege maa pi kálali ná yákilifente e, bà pi si mpyi si fùnḡḡ Kile kuni i, Kirisita wwɔḡeege cye kurugo me. ²⁹ Lire kurugo mii ḡye na báaraḡi pyi. Kirisita à fànhe ḡkemu kan mii á ke, ná kure e mii na zhìḡi leni. Kuru fànhe ku maha síḡi kaan mii á.

2 ¹ Zhìḡi mii na leni yii ná Lawodisi dánafeebii kurugo, mà bàra mpii pi ḡye pi sàha ḡkwò a mii ḡya a ḡya me, mii la ḡye yii i li cè na ur'à waha a tòro. ² Mii na uru zhìḡi leni si màban le yii ná pire puni i, yii i yiye kyaa táan yiy'á cìmpworoge ḡgwòḡi funḡke e, yii i yákilifente shiḡi puni ta, yii i Kile kaḡwɔḡḡni cè, lire li ḡye *Kirisita. ³ Ur'e nàfuḡi nḡwɔḡḡḡi ḡye mu à jwo yákilifente ná ḡcèḡi. ⁴ Mii na puru yu bà yii si mpyi si yiye shwɔ kàyituwɔḡore jwufeebii na me. ⁵ Mii laage mée ká ntɔɔn yii na, mii ḡye yii taan sònḡḡre e. Mii funntanga wu u ḡye, naha na ye yii karigii puni sogolonḡkann'à ḡwɔ yiye shwɔḡḡl'e, yii s'à taha Kirisita fye e ná funḡḡ nḡḡkin i.

Yii aha mpyi ná Kirisita e, yii nàzhan à fworo yasunḡi i

⁶ Nye bà yii à ḡen'a Yesu *Kirisita pyi yii Kafoonḡi me, yii kwòro kuru wwɔḡeege e ná u e. ⁷ Bà cige ndìre maha mpyi ḡḡḡke e, ḡḡḡk'a sè wá na ku ḡwɔ caa me, lire pyiḡkanni na, yii ndìre le Kirisita wwɔḡeege e, bà yii

si mpyi s'a si yyaha na Kile kuni i, bà yii à taanna li na me. Mà bàra lire na, yii fwùñi niñkanñi u nyaha u á.

⁸Yii a yiye kàanmucaa, yii àha ñkwò yiye yaha ñwɔtanyifeebii pi yii ñwɔ fàanña a cù me. Pi jwumpe nye kafinara, Kile e bà p'à fworò me. Pu nye ñùñɔ baa, maa yyaha tii ná làdaabii karigii ná ñnyeni yasunnyi i, yire ná Kirisita sí nye kunul'e me. ⁹Kirisita u à pyi sùpya ke, yaayi puni yi nye Kileni sèe wuñi i ke, yire puni na nye u e. ¹⁰Yaaga maha yaaga ku nye ná ñùñufente ná sífente e ke, u à fànha tò yire puni na. Yii ná uru wwoñeegge cye kurugo, yii à yaayi puni ta mà yii funnyi ñiñe. ¹¹U wwoñeegge cye kurugo mú, yii à *kwòñ, lire nye a li cyèe na sùpya u à yii cyeere cyage kà kwòñ me. Ñka u à yii sòññopeere kwòñ a láha yii zòmpii na. ¹²Yii à *batize ke, l'à pyi mu à jwo yii à le fanñke e ná Kirisita e maa ñè ná u e maa mpyi ná u e wwoñeegge e. Lir'à pyi daniyañi cye kurugo Kile sífente e. Tire sífente t'à Kirisita ñè a yige kwùñi i. ¹³Yii mpyi mu à jwo kwùu, ñaha na ye yii *kapegigii ná yii sòññopeere mpyi na sàha ñkwò a láha yii na me, ñka Kile à shi ñivòññɔ kan yii á ná Kirisita e, maa yii kapegigii puni yàfa yii na. ¹⁴Tigire ná kapegigii cyi mpyi a sém'a yaha wuu yyaha na, na wuu à Saliyañi kèege ke, Yesu Kirisita kwùñi kworokworocige na, lir'à cyire puni shi bò. L'à pyi mu à jwo uru sémeh'á kwòro kworokworocige na. ¹⁵Uru kwùñi cye kurugo, yaayi yi nye numpini i ná ñùñufente ná sífente e ke, Kile à yire fànhe shwɔ yi na, maa yi sílege, maa yi pyi yawiige ñnye puni nyii na.

¹⁶Lire e yii àha núru ñee sùpya u a yii la wwù yii yalyire ná yii yabyeere làdañi ntiimbaañi na me. Yii mú àha ñee pi a yii la wwù kataanni cannyi ná yivònni ná *canññke làdañi ntiimbaañi na me. ¹⁷Cyire karigii puni mpyi kántugo yyéere wuuni nimbwooni nimpani ñañjañi. Yesu *Kirisita kyaa li, u à fànha tò ñañjañi na, uru u nye sèenji puni. ¹⁸Mpii pi na yà yu yii Kile pèenjkanni na ke, yii àha raa pire kàanmucaa me, ñaha na ye mà piye tírige maraa mèlekèebii père, lire l'à táan pi á. Pi ñwɔyi na pi à piye tíiñe, maa piye pèl'a tòro, mà tàanna ná pi sòñññkanni i. ¹⁹Pi saha nye a piye pwo Yesu na me, uru sí u nye ñùñke, mà li ta cyeere ká a ñcáa yaage ñkemu na ke, ñùñke ku maha kuru kan t'á. Ñùñke ku maha yatanzogompe ná kapaanre pyi cyere niñkin, Kile sí u maha tire cyeere lyege.

²⁰Nye yii à kwù ná Kirisita e ke, yii nàzhan à fworò ñke ñiñke yasunnyi i. Yii kuro saha nye yi kafuunñkil'e me. Lire e ke yii àha núru ñee pi fànhe cyán yii na ñcyii karigil'e me: ²¹«Ma hà nde lwó me, li nye a ñwɔ me. Ma hà nde néene me, li nye a ñwɔ me. Ma hà mpwòñ nde na me, li nye a ñwɔ me.» ²²Cyire kafuunñkil'á yyaha tii ná yaayi ñjemu i ke, yi shiñi nye a nyaha me. Yalyire nintiire ti nye ti ti, t'aha lyí a kwò, yi maha ñkwò. Sùpyiibii yabilimpíi niñjaañi cyi nye cyi cyi, cyi nye a lwó a pwo Kile

kuni na me. ²³ Pii na sɔnɔɔi na cyire karigii na nye jɔcɛ, naha kurugo ye cyi na yu Kile pɛɛnkanni nɔ sɔpyaɔi uye ŋkyɛregeɔi kyaa na. Mɔ li ta, kaɔwɔɔ nye cyi na me, sɔpyire maha tiye pɛre nɔ cyi e, Kile bɔ pi nye na mpɛre nɔ cyi e me.

Toroŋkanni niŋjyeeni nɔ nivɔnni kani

3 ¹ Nɔ yii s'ɔ jɛ a fwoɔ kwɔɔni i nɔ Yesu i, lire e ke, sɛɛyaayi yi nye niŋyɔi na, cyage e Yesu ɔ tɛɛn Kile *kɔniŋe cyege na ke, yii a yire caa. ² Yii a sɔnɔɔi kanna niŋyɔi sɛɛyaayi na, yii i niŋke wuyi yaha wani. ³ Naha na ye yii ɔ kwɔ maa jɛ, yii shifɔnmii wuu pi ɔ tɛɛn nɔ *Kirisita e Kile yyɛre. Uru shifɔnɔi na nye kyaa ndemu li nye li nye na jaa me. ⁴ Kirisita u ɔ shifɔnɔi kan yii ɔ ke, u aha a si nya canŋke ŋkemu i ke, yii sɔ nya nɔ u e u sɔnampe e.

⁵ Lire e ke yii yii zɔmpiibii bɔ, mu ɔ jwo kaɔwɔɔɔyi nɔ *jacwɔɔre shiŋi puni nɔ yaayi lapege nɔ funmbwɔhe, kuru nɔ kacyzunni mɔ ɔ tɔanna. ⁶ Mpii pi nye pi nye na Kile pɛre me, cyire karigii shiŋi cyi maha Kile lɔuni pyi l'ɔ yɔri pire taan. ⁷ Tɛɛcyiini i, yii mpyi na ntɔuli cyi kurigil'e, yii mpyi cyire *kapegigii cye e. ⁸ Ŋka nume, lɔyirini nɔ lɔpɛenni nɔ pege, yii cyire karigii puni yaha. Cyɔhigii, lire nye me silege baa jwumpe pɔ tufiige nye a yaa p'a fwoɔre yii jwɔyi i me. ⁹ Yii ɔha nuru raa fini yiye na me, naha kurugo ye yii ɔ fwoɔre yii lyempe e, maa yii kapyiŋjyegigii yaha. ¹⁰ Yii a zɔmii nivɔnmii lwɔ, yii ɔ pyi sɔpyii nivɔnmii, maa mpyi yii Davoɔni mɔlwɔɔ, si u cɛ sɛl'e. ¹¹ Lire kurugo yii ɔ pyi Yahutuu yo, yii ɔ pyi shiŋi wabere yo, yir'ɔ fwoɔre y'e, yii ɔ *kwɔn yo, yii nye a kwɔn mɔ yo, yir'ɔ fwoɔre y'e, yii ɔ pyi kɔnbwɔɔhɔshiin yo, yii ɔ pyi nyegeɔwɔhɔshiin yo, yir'ɔ fwoɔre y'e, yii ɔ pyi bilii yo, yii nye a pyi bilii mɔ yo, yir'ɔ fwoɔre y'e. Nde li nye na wɔi ke, lire li nye: Kirisita kyaa l'ɔ jwo ke, uru u nye yaayi puni niŋɔ na, maa mpyi wuu puni i.

Dɔnafɛebii wwoŋɛge kani

¹² Nye nɔ Kile s'ɔ yii cwɔɔnɔɔ, maa yii pyi uye wuu, maa yii kyaa tɔan uy'ɔ, lire e yii a niŋpaara taa yiye na, yii raa sɔpyigire pyi nɔ yiye e, yii i yiye tɔrige yiy'ɔ, yii i mpyi niŋmpɔŋfɛe nɔ lɔtaanfɛe, ¹³ yii i yii karigii kwɔ yiye e, yii raa yii kapyiŋkii yɔfani yiye na. Wɔ ha wurugo wɔ ɔ, yii i puru jwo a kwɔ fefee, bɔ Kafoɔni Yesu ɔ yii nɔ uru shwɔhɔɔ wogigii kwɔ fefee me. ¹⁴ Mɔ bɔra cyire puni na, yii sɔa yiye kyaa tɔan yiy'ɔ, naha kurugo ye tɔange ku maha ŋgwɔnɔi shiinbii pɔɔ piye na. ¹⁵ Mbɛni *Kirisita ɔ le yii shwɔhɔɔl'e ke, uru u kwɔro yii shwɔhɔɔl'e, naha na ye Kile u ɔ yii yyere yii i mpyi niŋkin. Yii a fwɔ kaan u ɔ mɔ.

¹⁶ Yii Kirisita jwumpe yaha pu tateenge wwû yii zòmpil'e sèe sèl'e. Yii a yiye kâlali, yii raa yiye yerege ná yákilifente e, ná Zaburu sémenji myahigii ná Kile pèente myahigii ná Kile kuni myahigil'e. Yii a myahigii cêe ná yii zòmpyaagii puni i, yii raa Kile shéere. ¹⁷ Yii a yii kapyiinjkii ná yii kajwunjkii puni pyi Kafoonji Yesu mege na. Cyire tooy'e, yii raa Tufoonji Kile shéere Yesu mege kurugo.

Pyenge wwoŋege kani

¹⁸ Cyeebii, yii yiye tîrige yii nambaabil'á, lir'à yaa ná yii e Kafoonji Yesu wwoŋege e. ¹⁹ Nambaabii, yii yii cyeebii kyaa táan yiy'á, yii àha pi cû billii fiige me. ²⁰ Nàŋkopyire, yii yii sifeebii ŋwomyahigii cû karigii puni i. Yii aha a lire pyi, lire sí n-táan Kafoonji Yesu i. ²¹ Tiibii, yii àha lùgigii pen ná yii pyiibil'e me, lire ká mpyi, màbanji sí n-fworo pi e.

Bilibii ná pi ñuŋufeebii kani

²² Bilibii, yii yii ñuŋufeebii ŋwomyahigii cû karigii puni i. Yii àha raa pi ñyŋyaga báaraŋi kanni pyi si nta ntáan pi á me. Yii a u pyi ná funvyinge e, yii raa Kafoonji Yesu pèere. ²³ Báara maha báara na yii ñye ke, yii a u pyi ná zòvynre e, bà yii maha báare Kafoonji Yesu á me, l'aha mpyi mu à jwo yii na báare sùpyir'á me. ²⁴ Yii àha ŋkwò funŋo wwò na Kafoonji sí yii sàra me. Yaayi u à yaha u wuubil'á ke, yire yà u sí n-kan yii á. Kafoonji *Kirisita á yii na báare. ²⁵ Ŋka shin maha shin u kapyii li ñye báaraŋe ke, urufoo sí n-sàra n-tàanna ná kur'e, naha na ye Kafoonji ñye a sùpya pwoŋo sùpya na me.

4 ¹ Ñuŋufeebii, yii a yii bilibii cwôre ná fyinmpe ná ntiiŋi i, yii àha funŋo wwò na yii mú na ñye ná Ñuŋufoonji w'e ñiŋyŋi na me.

Yereyi nizanŋyi

² Yii àha ndáha Kileŋarege na me, yii yyaha le ku na, yii raa fwù kaan Kile á tèrigii puni i. ³ Yii raa Kile ñáare wuu á mú, bà u si mpyi si pyiŋkanni ñiŋcenni kan wuu á, wuu raa *Kirisita kaŋwòhoni kyaa yu sùpyir'á me. Lire kurugo mii à le kàsuŋi i.

⁴ Yii kwôro ñarege na mii á, bà mii si mpyi s'a li sènmège s'a yu li jwunjkanni na me.

⁵ Ñye mpíi pi ñye pi ñye Kile kuni i ná yii e me, tère o tère e yii à laaga ta ke, yii a kacèŋŋi pyi pi á, yii raa pi cwôre ná yákilifente e. ⁶ Yii ŋwomugure ti pyi ná tìpoomò ná kaŋwòhoni i tèrigii puni i, yii raa sùpyire ŋwò shuu yii a ŋwòge.

Fwùñi nizanji

⁷Wuu ntàannamacinmpworonji, Kafoonji Yesu báarapyinji Tisike, u nye na báare ná mii i ke, ñwómee niñkinfoo wi. Kyaa maha kyaa li nye naha ke, u sí n-sà cyire puni jwo yii á. ⁸Mii à li yîrige li kurugo maa u tun yii á, u sà wuu yîriñkanni jwo yii á, bà lire si mpyi si màban le yii e me. ⁹Mii à Onezimu mú bàra u na, yii ntàannamacinmpworonji wà wi, dánasupya wi. Karigii cyi nye naha ke, u sí cyire puni jwo yii á.

¹⁰Mii kàsujyijeeñji Asitariki à yii shéere. Barinabasi cìnmpworonji Marika mú à yii shéere. Mii à u kyaa jwo yii á mà kwò. U aha nò yii na, yii u cù a ñwò. ¹¹Yesu pi maha mpyi Zhutusi ke, ur'à yii shéere mú. *Yahutuubii dánafeebil'e, pire shiin taanreñji kanni pi à mii tège, pyiñkanni na sùpya sí n-jà n-nyè *Kile Saanre e ke, ka wuu u lire jwo sùpyir'á. Pi à màban le mii i sèl'e. ¹²Yii cìnmpworonji Epafirasi u na báare Yesu *Kirisita á ke, ur'à yii shéere mú. Tèrigii puni i u à uye waha Kileñarege na yii kyaa na, bà yii si mpyi si ñkwôro Kile kuni i si fúnñò l'e, s'a Kile nyii wuuni pyi tèrigii puni i me. ¹³Mii sí n-jà yi jwo yii á: yii ná Lawodisi dánafeebii ná Erapolisi wuubii kani nye Epafirasi zòñi na sèe sèl'e. ¹⁴Luka, wuu cevoonji dògòtòrònañi ná Demasi, pir'à yii shéere.

¹⁵Yii Lawodisi kànhe dánafeebii shéere, Nimifa ná dánafeebii pi maha bínnini u bage e ke, yii i pire shéere mú. ¹⁶Yii aha ñge letereñji kâla, yii i u kan Lawodisi dánafeebil'á pi kâla, sémeñi ñgemu ká yîri Lawodisi i ke, yii mú pi uru kâla. ¹⁷Yii yi jwo Arisipi á, na u àha ñkwò funñò wwò Kafoonji Yesu báarañi niñkanñi na u á me. U u u pyi u nò u tēgeni na.

¹⁸Mii Poli yabilinji cyege k'à ñge fwùñi séme. Yii àha funñò wwò li na na mii nye naha kàsuni i me.

Kile u ñwò yii na, u u jwó le yii á.